

KERATAN AKHBAR TEMPATAN
HARIAN METRO (SETEMPAT) : MUKA SURAT 7
TARIKH: 27 MAC 2014 (KHAMIS)



Kuala Lumpur

Imej satelit Agensi Pertahanan dan Angkasa Airbus yang berpangkalan di Perancis berjaya mengesan 122 objek yang dipercayai ada kaitan dengan pesawat pe-

nerbangan MH370 yang hilang di selatan Lautan Hindi.

Pemangku Menteri Pengangkutan Datuk Seri Hishammuddin Hussien berkata, objek yang diambil dari satelit Airbus milik Perancis itu sudah diberikan kepada Agensi Remote Sensing Malaysia (MRSA) untuk dianalisis sebelum diserahkan kepada Pusat Operasi Mencari dan Menyelamat Australia.

Katanya, sebahagian daripada objek yang dikesan satelit itu berukuran antara sa-

tu hingga 23 meter panjang dan kelihatan bersinar di dalam kawasan seluas kira-kira 400 kilometer persegi.

"Serpihan ini ditemui kira-kira 2,557 kilometer dari Perth. Kita akan meneliti maklumat yang diberikan ini sebelum diserahkan kepada pihak Australia untuk membantu perjalanan operasi di kawasan berkenaan.

"Semua penemuan ini perlu diteliti sama ada berkaitan dengan pesawat MH370 dan ini membawa ki-

ta beralih ke fasa baru dalam operasi pencarian," katanya di PWTC, di sini, semalam.

"Menurutnya, penemuan terbaru ini adalah petunjuk keempat yang berjaya diperoleh selepas imej satelit dari Australia dan China sebelum ini.

Sehubungan itu, kawasan pencarian kini dibahagikan kepada dua bahagian iaitu sektor barat dan timur yang merangkumi enam kawasan setiap sektor.

"Bagi kawasan timur, dua pesawat P3 Orion dan se-

buah pesawat Ilyushin IL-76 dikerah untuk mengesan dan mencari pesawat ini.

"Sektor barat pula akan dikuatkan dengan sembilan P3 Orion, sebuah pesawat awam dan sebuah pesawat P8 Poseidon serta dua kapal laut," katanya.

Menurutnya, Jepun turut menghantar aset tambahan iaitu pesawat Gulfstream V yang diubahsuai untuk membantu dua pesawat P3C Orions dalam misi pencarian ini.